

|                             |                       |         |         |
|-----------------------------|-----------------------|---------|---------|
| PRIMLJENO:                  | 30-01-2024            |         |         |
| Organizaciona jedinica      | Raziskivanje i razvoj | Priloga | Priloga |
| 01,02,03,03/11-05-1-2413/23 |                       |         | 3/23    |

Broj: 01,02,03,03/11-05-1-2413/23

Sarajevo, 15. 1.2024.

Izveštaj sa sastanka Stalnog komiteta PSSEECp-a

Skoplje, Sjeverna Makedonija, 14. i 15. 12. 2023.

Predsjedavajući Delegacije Parlamentarne skupštine Bosne i Hercegovine (PSBiH) u Parlamentarnoj skupštini Procesu saradnje u Jugoistočnoj Evropi (PSSEECp) Ilija Cvitanović i zamjenici predsjedavajućeg Delegacije Mladen Bosić i Džemal Smajić učestvovali su na sastanku Stalnog komiteta PSSEECp-a, koji je održan u Sobrađu Republike Sjeverne Makedonije u Skoplju, 14. i 15. decembra 2023.

Na sastanku su prezentirani prioriteti predsjedavanja Sjeverne Makedonije ovom regionalnom inicijativom u periodu 2023 - 2024, te predstavljen novi pristup provođenju Strategije Jugoistočne Evrope 2030 (SEE2030).

Prioritete predsjedavanja Sjeverne Makedonije pod motom „Premošćavanje podjela, izgradnja povjerenja“ predstavio je sekretar Ministarstva vanjskih poslova Filip Toševski i istaknuo da su prioriteti, zapravo, principi sadržani u dokumentima PSSEECp-a: dobrosusjedski odnosi, stabilnost, sigurnost i saradnja u Jugoistočnoj Evropi i nastojanje integriranja naših zemalja u euroatlantsku porodicu slobodnih i demokratskih naroda.

Novi pristup provođenju Strategije Jugoistočne Evrope 2023. obrazložio je Arslan Umut Ergezer, koordinator u Regionalnom centru za saradnju (RCC). Strategija SEE2030, koja je usvojena u junu 2021. godine na samitu SEECp-a u Antaliji, predstavlja zajednički poziv na akciju svih 13 ekonomija učesnica SEECp-a. Strategija SEE2030 nastoji promovirati i unaprijediti realizaciju ciljeva održivog razvoja Ujedinjenih naroda u regiji Jugoistočne Evrope.

Cilj Strategije je postizanje regionalno održivog ekonomskog rasta, smanjenje siromaštva i nejednakosti, poboljšanje socijalne uključenosti, osnaživanje žena, usporavanje depopulacije, poboljšanje ukupnog kvaliteta života građana, te ubrzavanje zelene i digitalne tranzicije.

Učesnicima sastanka obratio se i predsjedavajući Delegacije PSBiH u PSSEECp-a Ilija Cvitanović, zahvalio se Sjevernoj Makedoniji na izvanrednoj organizaciji ovog događaja, te domaćinima čestitao na teškim odlukama koje su donosili u procesu evropskih integracija. U vezi s tim, Cvitanović je upozorio i na dvostruke aršine koji se primjenjuju prema Sjevernoj Makedoniji i drugim zemljama koje su ostvarile značajan napredak na putu ka članstvu u Evropsku uniju (EU).

U svom izlaganju Cvitanović je ukazao i na činjenicu da cijela regija osjeća posljedice sukoba u Ukrajini i Gazi, kao i na to da unutar zemalja članica SEECp-a postoji dosta tema o kojima se različito razmišlja. Međutim, regija se suočava i s mnogo zajedničkih problema, kakvi su migracije i odlazak mladih ljudi.

Naglasio je da bi rješenje za regiju bio ubrzan prijem u EU država koje još uvijek nisu članice. Zahvalio se Hrvatskoj i Sloveniji na snažnoj podršci koju u kontinuitetu daju Bosni i Hercegovini na putu ka EU, te pozvao i druge učesnice SEECP-a da postupaju na isti način. Ukazao je i na značaj SEECP-a i drugih regionalnih inicijativa koje, kako je rekao, trebaju više raditi na jačanju saradnje i smanjivanju političkih i ekonomskih razlika među zemljama regije.


Izveštaj pripremila:

Zamjenica sekretarke Delegacije

  
Dubravka Ištuk-Palović

Izveštaj odobrio:

Predsjedavajući Delegacije

Ilija Cvitanović  


*Dostaviti:*

- *Kolegiju Doma naroda PSBiH*
- *Kolegiju Predstavničkog doma PSBiH*
- *Kolegiju Sekretarijata PSBiH*
- *Komisiji za vanjske poslove PDPSBiH*
- *a/a*